

Ko Kuleisi Valamí ko ha ki'i ta'ahine ta'u hiva ia 'i Hōlani 'i he 1940 he lolotonga e Tau Lahi Hono II. Kuo toki kamata 'ohofi 'e he Nasi Siamané 'a Hōlani.

PĀ! PĀ!

Ko e tolú hengihengi eni, pea na'e lolotonga pomu 'a e koló. 'I ha miniti 'e taha ne mohe 'a Kuleisi 'i hono mohengá, pea ko e miniti hokó, kuo talaange 'e he Tangata'eikí ki he taha kotoa ke nau toitoi. Na'e faka-efihi 'a Kuleisi 'i he lalo tēpilé mo 'ene tamaí, fa'éé, pea mo hono ongo tuonga'ane si'isi'i, 'a Hiipa mo 'Alavini. Na'e lava ke fanongo ki he ha'uha'ulu

'a e pomu mo e momo e sio'ata 'i tu'á. Na'e le'ó lahi 'aupito!

"Ko e hā e me'a 'e hoko kiate kitautolú?" Ko e fehu'i ia 'a Kuleisi ki he Tangata'eikí.

Ne amohi pē 'e he Tangata'eikí hono 'ulú. Mo pehē ange, "Oku 'ikai ke u 'ilo'i." "Ka tau fai mu'a ha lotu."

Ne fepiki'aki e fāmili Valamí.

Pea lotu e Tangata'eikí 'o pehē, "Tamai Hēvani, kātaki 'o malu'i homau fāmili."

Hili ha ki'i taimi, kuo lōngonoa hifo. Na'e 'ikai toe pā ha pomu. Ne nau malu!

Na'e puke 'e he Fine'eikí 'a e nima 'o Kuleisi mo mali-mali ki ai. "Manatu'i e taimi ne tau sila ai he tempalé?"

Kamokamo pē 'a Kuleisi. 'I he taimi ne nau hiki ai mei 'Initonēsia ki Hōlani, ne nau lava ke hifo 'i 'Tutā 'o sila 'i he Tempale Sōlekí.

Na'e pehē 'e he Fine'eikí, "Ko e hā pē me'a 'e hoko, 'e tokanga 'i he 'Otuá hotau fāmili."

'I he 'aho hono hokó, ne fanongo 'a Kuleisi ki he me'a fakaongo filí 'i he taimi na'á ne 'i tu'á ai he falekoloa 'o e koló. Na'e sio ki 'olunga 'o ne fakatokanga'i ha ngaahi vakapuna, 'oku ngangana hifo ha fanga ki'i me'a 'uli'uli mei ai. Na'e tu'u ai 'o mo'u sioa kae fakamanga pē hono ngutú.

NGAAHI TĀ FAKATĀ 'A REBECCA SORGE

Ko ha Le'ó 'o e Nongá

Fai 'e Megan Armknecht
Makatu'unga 'i ha talanoa mo'oni



*Na'e pehē 'e he Fine'eikí,
'Ko e hā pē ha me'a 'e hoko,
'e tokanga'i 'e he 'Otuá
hotau fāmili."*

Na'e kamata kaila atu ha tangata ki ai. "Lele! Ko e ngaahi pomu 'ena!"

Ne lele vave 'a Kuleisi ki 'api, kuo tā vave hono mafú 'i he faifai peá ne hū ki loto he matapā 'i mu'á.

'Osi ha ngaahi 'aho si'i mei ai, kuo kapa 'e he kau Nasí—'a ia ko e kau taki fakapule'anga ia 'o Siamané—'a Hōlani. Na'a nau 'ave pōpula he taimi 'e ni'ihi 'a e kakai na'e 'ōfisa fakakautau. Koe'uhí na'e 'osi 'ōfisa fakakautau e Tangata'eikí ko ha 'ōfisa 'i he va'a fakakautau 'a Hōlani, na'e siofi fakalelei ia 'e he kau 'ōfisa Nasí.

Na'e fakakaukau 'e Kuleisi, "Ka he 'ikai hoko ia ki he'eku Tangata'eikí." "Ko e kāingalotu kimautolu 'o e Siasí, pea 'oku kau 'a e Tangata'eikí 'i he kau palesitenisi fakamisioná. 'E malu'i ia 'e he 'Otuá."

Hili e laku pomú, na'e pau ke mavahe leva e fāmili Valamí mei honau koló. 'I he 'aho 'e taha 'i hono 'apiako fo'ou, na'e fanongo 'a Kuleisi ki he fefanafanahi 'a e fānau ako kehé.

"Na'e 'i ai ha kakai 'e ni'ihi na'e puke pōpula he 'ahó ni!"

"Te nau toe foki mai nai?"

Na'e ilifia 'a Kuleisi. 'Oku sai pē nai 'a e Tangata'eikí? Na'á ne lele leva ki 'api he vave tahá. 'I he'ene hū atu he matapaá, na'á ne fakatokanga'i e Fine'eikí 'i he holó.

"Oku mo'oni?" Ko e fehu'i ia 'a Kuleisi. "Kuo 'ave e Tangata'eikí?"

Na'e 'ikai ke lea e Fine'eikí, ka na'e 'ilo'i 'e Kuleisi 'i he mata mamahi 'a e Fine'eikí kuo puke 'o 'ave 'a e Tangata'eikí. Na'á ne hoko ko ha tangata pōpula 'o e taú. Falala atu 'a Kuleisi ki he holisí. Na'á ne fu'u ilifia ke tangi.

Na'e fakakaukau leva, "Ko e hā leva e me'a te tau fai he taimi ní?"

'I he momeniti ko iá, na'e onгона 'e Kuleisi ha le'ó pehē mai, "Te ke toe sio ki ho'o tamaí." Na'e nonga 'a e le'ó mo mahino. Na'e 'ilo'i 'e Kuleisi ko e le'ó ia 'o e Lau-mālie Mā'oni'oní. Na'á ne 'ai ke ne ki'i ongo'i lelei ange.

Na'e 'ikai ke ne 'ilo pau e me'a 'e hokó, ka na'á ne 'ilo'i 'e tokanga'i 'e he Tamai Hēvani ia mo hono fāmili.

Ke toki hoko atu . . . ■

'Oku nofo e taha na'á ne fa'ú 'i Niu Sēis, USA.